

Na osnovu člana 8. stav 1. tačka d) i člana 26. stav 1. Zakona o javnim preduzećima u Federaciji Bosne i Hercegovine („Službene novine FBiH“, broj 8/05, 81/08, 22/09 i 109/12), člana 84. stav 2. Zakona o računovodstvu i reviziji u Federaciji BiH („Službene novine Federacije BiH“ broj: 15/21), članova 97. i 99. Statuta JP „Komus“ d.o.o. Gračanica kao i Odluke Nadzornog odbora o raspisivanju konkursa za izbor Odbora za reviziju broj: 01/3-889/26 od 31.08.2026. godine, Nadzorni odbor JP „Komus“ d.o.o. Gračanica raspisuje:

JAVNI KONKURS ZA IZBOR I IMENOVANJE ČLANOVA ODBORA ZA REVIZIJU J.P. "KOMUS" d.o.o. GRAČANICA

I

Objavljuje se Javni konkurs za izbor i imenovanje 3 (tri) člana Odbora za reviziju J.P. „Komus“ d.o.o. Gračanica (u daljem tekstu: Preduzeće), od kojih najmanje 1 (jedan) član Odbora za reviziju mora biti iz redova ovlaštenih revizora.

II

Nadzorni odbor Preduzeća će izvršiti izbor kandidata Odbora za reviziju, većinom glasova na osnovu provedenog Javnog konkursa i podnijeti prijedlog za imenovanje Skupštini Preduzeća. Mandat članova Odbora za reviziju traje 4 (četiri) godine, sa mogućnošću ponovnog izbora, u skladu sa zakonom.

Dužnosti Odbora za reviziju utvrđene su članom 28. Zakona o javnim preduzećima Federacije Bosne i Hercegovine, članom 85. Zakona o računovodstvu i reviziji u Federaciji BiH te članom 104. Statuta J.P. „Komus“ d.o.o. Gračanica.

Naknada i druga prava članova Odbora za reviziju uređuju se ugovorom na osnovu odluke Skupštine Preduzeća.

III

Kandidat koji aplicira za člana Odbora za reviziju mora ispunjavati slijedeće uslove:

A. OPĆI USLOVI

1. da je državljanin Bosne i Hercegovine (dokaz: uvjerenje o državljanstvu, origina ili ovjerena kopija ne starije od 6 mjeseci),
2. da je stariji od 18 godina (dokaz: ovjerena kopija lične karte),
3. da je zdravstveno sposoban za obavljanje poslova na koje se kandiduje (dokaz: potpisana izjava ovjerena od nadležnog organa),
4. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog konkursa (dokaz: potpisana izjava ovjerena od nadležnog organa),
5. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine) (dokaz: potpisana izjava ovjerena od nadležnog organa),
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH“ broj: 34/03 i 65/13) (dokaz: potpisana izjava ovjerena od nadležnog organa),
7. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine (dokaz: potpisana izjava ovjerena od nadležnog organa),
8. da nije član Nadzornog odbora ili Uprave Preduzeća, zaposlenik Preduzeća, niti da ima direktni ili indirektni finansijski interes u Preduzeću, (dokaz: potpisana izjava ovjerena od nadležnog organa),
9. da nije osuđivan za krivično djelo nespojivo sa dužnošću člana Odbora za reviziju, pet godina od dana pravosnažnosti presude, isključujući vrijeme zatvorske kazne (dokaz: potpisana izjava ovjerena od nadležnog organa a uvjerenje organa nadležnog za izdavanje navedenog uvjerenja, ne starije od tri mjeseca, naknadno prilaže izabarani kandidat),
10. da nije lice kome je pravosnažnim rješenjem izrečena zaštitna mjera „zabrana vršenja poziva, djelatnosti ili dužnosti“ niti zabrana aktivnosti člana Odbora za reviziju u javnim preduzećima (dokaz: potpisana izjava ovjerena od nadležnog organa a uvjerenje organa nadležnog za izdavanje navedenog uvjerenja, ne starije od tri mjeseca, naknadno prilaže izabarani kandidat),
11. da pred sudovima na području Bosne i Hercegovine nije podignuta optužnica koja je stupila na pravnu snagu, odnosno nije potvrđena optužnica, a niti da je izrečena osuđujuća presuda za krivično djelo sa propisanom kaznom zatvora do 5 (pet) godina ili novčanom kaznom kao glavnom

kaznom (dokaz: potpisana izjava ovjerena od nadležnog organa a uvjerenje organa nadležnog za izdavanje navedenog uvjerenja, ne starije od tri mjeseca, naknadno prilaže izabaran kandidat).

B. POSEBNI

- VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova – ekonomski, pravni ili tehnički fakultet (dokaz: ovjerenu fotokopiju dokaza o stručnoj spremi),
- najmanje tri godine radnog iskustva na poslovima u struci (dokaz: potvrda/uvjerenje o radnom iskustvu)
- da posjeduje stručna znanja vezana za nadležnosti i rad Odbora za reviziju i način rada organa upravljanja privrednih društava.

IV

Prilikom procjene kvalifikacija i iskustva kandidata uzet će se u obzir i slijedeće:

- komunikativne i kreativne sposobnosti za savjesno, odgovorno i odlučno obavljanje upražnjene pozicije,
- stručne i iskustvene sposobnosti za razumijevanje poslovnih izvještaja i vršenje finansijskog nadzora, upravljanja finansijskim i ljudskim resursima, poznavanje zakona i propisa na području djelovanja Odbora za reviziju te sposobnost tumačenja propisa iz oblasti komunalne djelatnosti,
- prilagodljivost timskom radu i sposobnost za savjesno i odgovorno vršenje dužnosti,
- sposobnost odlučnog i nepristrasnog donošenja odluka,
- rezultati ostvareni tokom prethodnog radnog angažmana i preporuka poslodavca,
- posjedovanje certifikata za certificiranog računovođu i ovlaštenog revizora (dokaz: ovjerenu kopiju certifikata)

V

Kandidati koji uđu u uži izbor biće pozvani na intervju.

Javni konkurs za podnošenje prijava ostaje otvoren 15 (petnaest) dana od dana zadnjeg objavljivanja u dnevnom listu „Oslobođenje“ ili „Službenim novinama FBiH“.

Svojeručno potpisana Prijava kandidata treba da sadrži: biografiju, adresu, e-mail adresu i kontakt telefon.

Podnosioci prijava sa kojima se ne stupi u kontakt u roku od 8 dana od isteka roka za podnošenje prijava neće biti uzeti u razmatranje u daljem procesu imenovanja.

Prijave sa svim traženim dokumentima treba dostaviti lično ili preporučenom poštom, na adresu:

**JP „Komus“ d.o.o. Gračanica
ul. Muhameda Seida Mašića b.b. (Zelena pijaca)
75 320 Gračanica
sa naznakom „Prijava na Javni konkurs za izbor i imenovanje Odbora za reviziju“**

Neblagovremene i nepotpune prijave neće se uzeti u razmatranje.

PREDSJEDNIK NADZORNOG ODBORA

Hasan Fehratović